

UNIVERZITET U TUZLI

Filozofski fakultet

Odsjek: Filozofija-Sociologija

STUDIJSKI PROGRAM I CIKLUSA STUDIJA POLITOLOGIJA

OD AKADEMSKE 2018/19.

Tuzla, februar 2018. godine

1. UVODNI DIO

1.1. Razlozi pokretanja i cilj studijskog programa

Razlozi za pokretanje studija, Politologija, usmjerenje međunarodni odnosi i diplomatija, proizilazi iz velikog interesa i potreba društva za tim kadrom.

Analizom stanja razvoja nauke i tehničko-tehnoloških procesa u Evropi, svijetu, i Univerzitetu u Tuzli, dolazimo do saznanja da je stepen razvoja nauke, upravo, glavni temelj koji omogućava vrhunsko obrazovanje i visoki nivo nastave. JU Univerzitet u Tuzli, sa svojim konceptom integrisanog univerziteta, zaista je, istinski nosilac naučno-obrazovne i naučno-istraživačke djelatnosti na području TK-a i šire. Posebno se tu ističu pojedini njegovi segmenti, prije svega, kada je riječ o modernim tehnologijama, mašinstvu, elektrotehnici, rudarstvu, medicini i dr. S druge strane, uočava se nedostatak profiliranja pojedinih zanimanja i profesija „bazičnih“ društveno – humanističkih usmjerenja, među kojima su, sigurno, vrlo značajni studiji, Politologije, usmjerenje međunarodni odnosi i diplomatija. To posebno dolazi do izražaja, ako se zna, da se bosanskohercegovačko društvo i država nalaze u dinamičnom tranzicijskom procesu, te u tom procesu državu i društvo treba integrirati u međunarodni politički sistem, njegove institucije i organizacije, te zbog toga treba obrazovati kadrove koji će biti sposobni da s uspjehom ostvare taj cilj.

Društveno-ekonomska i politička tranzicija Bosne i Hercegovine ima svoje specifičnosti, producirane, prije svega, destruktivnim infrastrukturnim podsystemima društva (ekonomskim, političkim, kulturnim, sigurnosnim, obrazovnim, itd.). Takvo stanje zahtijeva znanstvenu revitalizaciju i realizaciju u svim segmentima društvene sadržajnosti. Organiziranjem studijskog programa, Politologija, usmjerenje, međunarodni odnosi i diplomatija, omogućilo bi brži i kvalitetniji razvoj Filozofskog fakulteta, u skladu s principima i sadržajnostima filozofskih fakulteta u Bosni i Hercegovini i Evropi. Istovremeno, to bi omogućilo brži ulazak Univerziteta u Tuzli u Evropske obrazovno integracione procese, postizanjem ciljeva općepoznatog evropskog sistema visokog obrazovanja. Napomenimo, da je Filozofski fakultet Univerziteta u Tuzli jedini fakultet u Bosni i Hercegovini, gdje nije organizovan studij, Politologije, usmjerenja međunarodni odnosi i diplomatija. Kako je Univerzitet u Tuzli orijentiran ka inovacijama visokoškolske nastave i nastavno-naučnih programa, kao i na apliciranju rezultata edukacije i istraživanja, time se samo još više, neizbježno, nameće potreba otvaranja studijskog programa, Politologija, usmjerenje međunarodni odnosi i diplomatija.

Temeljni cilj studija Politologija, usmjerenje međunarodni odnosi i diplomatija, jeste u izgradnji uslova za obrazovanje i usavršavanje stručnih i naučnih kadrova koji će biti osposobljeni da brzo implementiraju nove tranzicijske i razvojne potrebe bosanskohercegovačkog društva i države, i njegovo integriranje u evropske i evro-atlanske integracije, u domenu vlastite društveno-kulturne i obrazovne prakse, uvažavajući dostignute evropske standarde obrazovanja, a to znači educirati studente za sadašnjost i budućnost.

1.2. Procjena potreba tržišta rada za kadrom

Prema evidenciji JU Služba za zapošljavanje TK, zaključno sa 31.12. 2017. godine, nema nezaposlenih stručnjaka ovog profila u odnosu na druga zanimanja koja se obrazuju na Filozofskom fakultetu, odnosno Univerzitetu u Tuzli.

Za područje Tuzlanskog kantona je karakteristična mnogostrukost privrede i potreba njezinog još većeg strukturiranja u smislu profiliranja mnogobrojnosti kadrova kao bitnog preduslova brže primjene, ne samo novih tehnologija, već i novih društvenih odnosa. To bi znatnije ubrzalo razvoj ovog područja. Perspektiva i pravci razvoja privrede i društva Tuzlanskog kantona, regije sjeveroistočne Bosne, ne može se više temeljiti samo na fizičkom proširenju kapaciteta bazne kemije i ugljenokopa, uz dalju degradaciju i onako malo preostalog zemljišnog prostora. Budućim generacijama (svojoj djeci) ne bi smjeli proizvoditi nove milione kubika radioaktivnog pepela, zagađenih vodotoka i zraka. Pored novih tehničko-inženjerskih znanja, za novu svijest, na nivou kolektivnog aktivizma, potrebna je i "kritična masa" društveno-humanističke inteligencije i stručnjaka, osposobljenih za stručno i odgovorno rekonstruiranje i konsolidaciju bosanskohercegovačke države i društva, čega ne može biti i bez institucionalne organizacije studija, Politologije, usmjerenja međunarodni odnosi i diplomatija.

Pristupom kakav se želi definirati ovim studijskim programom čine se koraci ka izgradnji uslova, ne samo za interdisciplinarni pristup, već i za postupan prijelaz na tzv. transdisciplinarni pristup obrazovanju kadrova užih specijalnosti, što je već uveliko praksa visoko razvijenih zemalja svijeta.

1.3. Uskladenost sa misijom Univerziteta i predlagača studijskog programa

Na Odsjeku filozofija-sociologija, Filozofskog fakulteta, nalazi se uža naučna oblast Politologija, koju je potrebno dodatno razvijati i usklađivati sa novim trendovima razvoja države i društva i razvoja Univerziteta u Tuzli. Zbog toga vijeće Odsjeka filozofija-sociologija pokreće inicijativu otvaranja Studijskog programa, Politologija, usmjerenje međunarodni odnosi i diplomatija.

Kriteriji studijskog programa obavezuje predlagača studijskog programa u sljedećem:

- udovoljavanju opštim ciljevima studijskog programa (željene završne kvalifikacije svršenih studenata na nivou studijskog programa);
- ciljevi studijskog programa treba da u obzir uzimaju međunarodnu dimenziju;
- profiliranje studijskog programa u odnosu na obrazovne ciljeve, kao i na domaće i/ili inostrane studijske programe zbog usklađivanja ciljeva sa kompetencijama koje odgovaraju I i II ciklusu studija i Evropskom kvalifikacijskom okviru;
- usklađivanje obrazovnih ciljeva sa stručnim propisima/legislativom;
- usklađivanje ciljeva sa potrebama i zahtjevima datog polja rada/struke.

Pored dostignutog stepena razvoja Filozofskog fakulteta Univerziteta u Tuzli, ovaj Studijski program bazira se i na, Sorbonskoj deklaraciji od 25. maja 1998. godine, Bolonjskoj deklaraciji od 19. juna 1999. godine, te strukturi obrazovnog studija na nekim fakultetima u Bosni i Hercegovini, Evropi i svijetu.

1.4. Uporedivost studijskog programa sa srodnim akreditovanim programima na VŠU u Bosni i Hercegovini i zemljama EU, radi mobilnosti studenata.

Studij Politologija ima dugogodišnju tradiciju i egzistira na drugim javnim Univerzitetima u Bosni i Hercegovini, regionu, zemljama Evropske unije. Studij Politologija, usmjerenje međunarodni odnosi i diplomatija koji se ovdje predlaže utemeljen je na savremenim naučnim spoznajama u području Politologije, koje su osnova za naučni i praktični rad u područjima u kojima je Politologija zastupljena. Konceptija studija usklađena je s evropskom koncepcijom studija Politologije, koja se osniva na Bolonjskoj deklaraciji. Osnivanjem studijskog programa Politologija, usmjerenje međunarodni odnosi i diplomatija, Univerzitet u Tuzli bi osigurao kompatibilnost sa ostalim studijima Politologije, usmjerenja međunarodni odnosi i diplomatija u Bosni i Hercegovini, ali i u Evropi.

Novi studijski program bit će uporediv sa srodnim studijskim programima koji egzistiraju na Fakultetima u EU, ali i sa Fakultetima unutar Bosne i Hercegovine. Studij po novom studijskom planu i programu je višestruko otvoren studij. U tom smislu u budućnosti se očekuje pojačana mobilnost studenata prema drugim sličnim stručnim studijima, a to će im omogućiti da upotpune svoja temeljna stručna znanja.

2. OPĆI DIO STUDIJSKOG PROGRAMA

2.1. Stručni i akademski naziv i stepen koji se stiče završetkom I ciklusa

BACHELOR POLITOLOGIJE

Završetkom I ciklusa student stiče akademsko, odnosno stručno zvanje u skladu sa Pravilnikom o akademskim i stručnim zvanjima i načinu njihovog korištenja koji donosi Ministarstvo obrazovanja, nauke, kulture i sporta Tuzlanskog kantona.

Uz diplomu studentu se izdaje i Dodatak diplome (suplement) uz naznaku usmjerenja MEĐUNARODNI ODNOSI I DIPLOMATIJA.

2.2. Uslovi i upis na studijski program

Pravo učešća na Konkursu imaju kandidati državljani Bosne i Hercegovine, strani državljani i lica bez državljanstva sa završenom srednjom školom u četverogodišnjem trajanju u Bosni i Hercegovini, kao i kandidati koju su srednju školu završili izvan Bosne i Hercegovine, a za koje je, nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

Pravo učešća na Konkursu imaju i kandidati sa završenom srednjom stručnom školom, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srodnoj školi.

Klasifikacija i izbor kandidata za upis vrši se na osnovu rezultata prijemnog ispita i drugih kriterija u skladu sa procedurama koje utvrđuje Senat Univerziteta u Tuzli.

2.3. Naziv i ciljevi studijskog programa

Osnovni cilj organiziranja studijskog programa Politologije, usmjerenje međunarodni odnosi i diplomatija je u izgradnji uslova za obrazovanje i usavršavanje stručnih i naučnih kadrova koji će biti osposobljeni da brzo implementiraju nove tranzicijske i razvojne potrebe bosanskohercegovačkog društva i države, i njegovo integriranje u evropske i evro-atlanske integracije, u domenu vlastite društveno-kulturne i obrazovne prakse, uvažavajući dostignute evropske standarde obrazovanja, a to znači educirati studente za sadašnjost i budućnost.

Nastavni plan studija urađen je u skladu sa obavezama Filozofskog fakulteta studijskog programa, u skladu sa novim zahtjevima na tržištu. Nastavni planovi i programi prilagođeni su zahtjevima Zakona o visokom obrazovanju i standardima kojima se reguliše visoko obrazovanje u Bosni i Hercegovini, što podrazumijeva potpuno prilagođavanje

Bolonjskim principima i novi sistem organizovanja nastave i kontinuiranog ocjenjivanja studenata.

2.4. Trajanje I ciklusa i ukupan broj 240 ECTS bodova

Prema priloženom nastavnom programu i planu dužina trajanja studija je četiri (4) godine, odnosno osam (8), semestara 240 ECTS bodova.

2.5. Kompetencije i vještine koje se stiču kvalifikacijom (diplomom)

Završetkom prvog (I) ciklusa studija, Politologije, usmjerenje međunarodni odnosi i diplomatija, student/ica stiče osnovna teorijska - empirijska, metodološka i analitička znanja i vještine, koji ih osposobljavaju za rad i uspješan nastavak studiranja Međunarodnih odnosa i diplomatije i drugih srodnih studija.

Nakon završetka Prvog (I) ciklusa studija, Politologije, usmjerenja međunarodni odnosi i diplomatija, studenti su osposobljeni da rade sljedeće poslove:

- stručnjaci za rad u diplomatiji, institutima koji se bave međunarodnim odnosima i drugim organima i institucijama koje rade u oblasti međunarodnih odnosa i vanjske politike, ali i međunarodnim odjeljenjima političkih stranaka i velikih privrednih firmi.

- stručnjaci za rad u oblasti međunarodnih, političkih i ekonomskih odnosa, međunarodnog prava i međunarodnih organizacija, evropskih, balkanskih, američkih i drugih regionalnih studija, studija bezbjednosti, studija mira i pratećih disciplina.

- stručnjaci sa znanjem osnovnih politoloških disciplina, ovladat će i najvažnijim saznanjima iz teorije i prakse više disciplina međunarodnih odnosa, kao i sposobnostima i vještinama potrebnim za uspješno profesionalno učešće u aktivnostima u vezi s različitim učestvovanjem naše države u međunarodnim procesima.

- da uspješno obavljaju poslove kao što su: analitičar međunarodnih odnosa u službama najviših državnih organa, međunarodnih privrednih organizacija i korporacija, službenik Ministarstva inostranih poslova i drugim ministarstvima i direkcijama srodnog karaktera, diplomata na radu u diplomatsko – konzularnim predstavništvima, stručnjak angažovan na uključivanju Bosne i Hercegovine u evropske i evro-atlanske integracije, kao i za rad u različitim međunarodnim vladinim i nevladinim organizacijama.

Nakon završetka i ciklusa studija, student/ica stiču uslove za nastavak školovanja na II ciklusa studija.

2.6. Uslovi prelaska sa drugih studijskih programa u okviru istih ili srodnih oblasti studiranja

Studentu Univerziteta se može omogućiti prelazak sa jednog studijskog programa na drugi studijski program pod uslovima i postupku utvrđenim Pravilima studiranja na I ciklusa studija na Univerzitetu u Tuzli.

Studentu drugog Univerziteta može se omogućiti prelazak sa istorodnih akreditovanih studijskih programa na studijski program Filozofskog fakulteta u Tuzli pod uslovima i postupku utvrđenim Pravilima studiranja I ciklusa studija na Univerzitetu u Tuzli. Pod istorodnim studijskim programom smatraju se studijski programi društvenih i humanističkih nauka.

2.7. Način izbora predmeta iz drugih studijskih programa

Studenti Filozofskog fakulteta studijskog programa, Politologije, usmjerenja međunarodni odnosi i diplomatija, mogu upisati pojedine predmete drugih studijskih programa Univerziteta koji se ne izvode na matičnom studiju. Upis predmeta odobrava Dekan fakulteta uz saglasnost odgovorne osobe za studijski program u okviru kojeg se nalazi predmet koji student želi da sluša.

Ostvareni ECTS bodovi priznaju se kao da su ostvareni u okviru studijskog programa, Politologija, usmjerenje međunarodni odnosi i diplomatija, bodovna vrijednost predmeta odgovora onoj koju taj predmet ima u okviru studijskog programa u okviru kojeg se izvodi.

Broj studenata koji mogu upisati pojedini predmet ograničen je kapacitetom fakulteta/Akademije, o čemu odlučuje dekan na prijedlog odgovornog nastavnika predmeta.

Predmet koji student sluša na drugom fakultetu/Akademiji, upisuje se u indeks.

2.8. Uslovi upisa u sljedeći semestar, odnosno narednu godinu studija, te način završetka studija

Student stiče pravo na upis u narednu godinu studija ostvarivanjem ECTS kredita za predmete iz prethodne godine studija.

Student može prenijeti u narednu godinu studija najviše deset (10) ECTS bodova ili najviše dva (2) predmeta, ukoliko nose više od deset (10) ECTS bodova.

Student koji ne ispuni uslove iz prethodnih stavova, obnavlja istu godinu studija.

Student koji obnavlja studijsku godinu izvršava preostale ispitne obaveze u terminima završnog popravnog i dodatnog popravnog ispita.

Obaveze studenta koji obnavlja studijsku godinu, bliže se uređuje Statutom Univerziteta u Tuzli. Studentu koji obnavlja studijsku godinu, daje se mogućnost izbora na ponovno slušanje nastave i kontinuirano praćenje i provjeru znanja, iz nastavnih predmeta koje nije položio. Ako se radi o nastavnom predmetu iz grupe izbornih predmeta, student, u narednoj akademskoj godini, može ponovo upisati isti ili birati drugi izborni predmet koji nosi potreban broj ECTS bodova.

Student završne godine studija, koji je ovjerio posljednji semestar, nije diplomirao, prelazi u status apsolvanta koji traje od prvog dana naredne akademske godine do kraja iste.

Student ima pravo započeti studij završiti po studijskom programu i nastavnom planu i programima koji su bili u primjeni prilikom upisa u prvu godinu studija, a najkasnije do početka akademske godine u kojoj ga susiže generacija studenata upisana po izmijenjenom studijskom programu i nastavnom planu i programima. Student koji ne završi započeti studij u roku utvrđenom u prethodnom stavu, završit će studij po izmijenjenom studijskom programu, nastavnom planu i programima.

2.9. lista obaveznih i izbornih predmeta studijskog programa Politologija, usmjerenje međunarodni odnosi i diplomatija 2018/2019. godine

I CIKLUS STUDIJA

Predmeti	P	V	ECTS
I semestar			
Uvod u politologiju	3	2	7
Filozofija	3	2	7
Opća sociologija	3	2	7
Historija Bosne i Hercegovine	3	1	3
Engleski jezik I	2	1	3
Izborni predmet /student bira jedan od ponuđena dva/			
Njemački/Turski jezik I	2	1	3
Državno-pravna historija Bosne i Hercegovine	2	1	3
Ukupno	16	9	30
II semestar			
Teorije međunarodne politike	3	2	6
Filozofija politike I	3	2	6
Teorije globalizacije	3	2	6
Upravljanje odnosima s javnostima	2	1	6
Engleski jezik II	2	2	3

Izborni predmet /student bira jedan od ponuđena dva/			
Njemački/Turski jezik II	2	1	3
Kultura i civilizacija	2	1	3
Ukupno	15	10	30
III semestar			
Politički sistemi	3	2	6
Filozofija politike II	3	1	6
Savremena politička sociologija	3	2	6
Bosanski jezik	3	2	6
Engleski jezik III	2	1	3
Izborni predmet /student bira jedan od ponuđena dva/			
Teorije elita	2	1	3
Demografija	2	1	3
Ukupno	16	9	30
IV semestar			
Evropska unija organizacija i sistemi	3	2	6
Međunarodno javno pravo	3	2	6
Međunarodna socijalna politika	3	2	6
Narodi Evrope i svijeta	3	2	6
Engleski jezik IV	2	1	3
Izborni predmet /student bira jedan od ponuđena dva/			
Međunarodno ugovorno pravo	2	0	3
Filozofska hermeneutika	2	0	3
Ukupno	16	9	30
V semestar			
Međunarodna sigurnost	3	2	6
Historija diplomatije	3	2	5
Postmoderna filozofija	3	2	5
Sociologija genocida	3	2	5
Engleski jezik V	2	1	6
Izborni predmet /student bira jedan od ponuđena dva/			
Korporativna sigurnost i diplomatija	2	0	3
Političke stranke i interesne grupe	2	0	3
Ukupno	16	9	30
VI semestar			
Međunarodne organizacije	3	2	7
Socijalna i politička misao u Bosni i Hercegovini	3	1	6
Ekonomska politika i diplomatija	2	1	4
Regionalni razvoj i saradnja	3	2	5
Sociologija bosanskohercegovačkog društva	3	2	5
Izborni predmet /student bira jedan od ponuđena dva/			
Bosna i Hercegovina u međunarodnim odnosima	2	1	3
Diplomatsko i konzularno pravo	2	1	3
Ukupno	16	9	30
VII semestar			

Međunarodni politički odnosi	3	2	6
Međunarodno krivično pravo	3	2	6
Geopolitika	3	2	6
Društveni pokreti i migracije	3	2	6
Metodologija istraživanja društvenih pojava	3	2	6
Ukupno	15	10	30
VIII semestar			
Diplomatski protokol	3	2	6
Kulturna diplomatija	3	2	6
Vanjska politika Bosne i Hercegovine	3	2	6
Sigurnosne službe i terorizam	3	2	6
Teorija i praksa diplomatije	3	2	6
Ukupno	15	10	30
SVEUKUPNO	240 ECTS		

U pogledu finansijskih sredstava, napominjemo da nastavu na I ciklusu studija dominantno izvode nastavnici i saradnici koji su zaposlenici Filozofskog fakulteta, te zaposlenici drugih članica Univerziteta u Tuzli, koji su i do sada izvodili nastavu, te u tom pogledu nisu neophodna dodatna finansijska izdvajanja osnivača za rad Studijskog programa Politologija, usmjerenje međunarodni odnosi i diplomatija.

KOMISIJA

1. Dr.sc. Sead Omerbegović, vanredni profesor, predsjednik
2. Dr.sc. Adib Đozić, redovni profesor, član
3. Dr.sc. Zlatan Delić, vanredni profesor, član
4. Dr.sc. Izudin Hasanović, vanredni profesor, član
5. Dr.sc. Amir Karić, vanredni profesor, član